



Broj: 02-30-70-4/23

Datum: 02.10.2023. godine.

Na osnovu člana 32. Zakona o radu „Službene novine Federacije BiH“, broj 26/16, 89/18, 23/20, 103/21 i 44/22), člana 4. stav (3) Uredbe o postupku prijema u radni odnos u javnom sektoru u Tuzlanskom kantonu („Službene novine Tuzlanskog kantona“, br. 4/19, 4/20, 11/20 i 5/21), člana 8. Pravilnika o postupku prijema u radni odnos u Javnoj ustanovi Direkcija regionalnih cesta Tuzlanskog kantona broj 01-04-1-408-6/21 od 21.12.2021. godine, Odluke o potrebi prijema pripravnika na određeno vrijeme broj 02-30-70/23 od 16.02.2023. godine, Odluke o dopuni Odluke o potrebi prijema pripravnika na određeno vrijeme broj 02-30-70-3/23 od 29.08.2023. godine, Saglasnosti Ministarstva trgovine, turizma i saobraćaja Tuzlanskog kantona broj 05/1-30-003497-1/23 od 06.09.2023. godine, direktor Direkcije regionalnih cesta TK, objavljuje:

JAVNI OGLAS
za prijem pripravnika na određeno vrijeme

I

Javni oglas se raspisuje za radno mjesto

1. **Pripravnik - Saradnik za tehničke poslove, VSS-VII stepen, završen tehnički fakultet, 240 ECTS - 1 (jedan) izvršilac**

II

Pripravnik će obavljati poslove u svrhu osposobljavanja za samostalni rad u okviru svoje struke i sticanje potrebnog radnog iskustva za polaganje stručnog odnosno javnog ispita.

III

Kandidati koji se prijavljuju na javni oglas potrebno je da ispunjavaju opće i posebne uslove i to:

Opći uslovi za prijem u radni odnos:

- a) da je kandidat državljanin Bosne i Hercegovine,
- b) da je kandidat stariji od 18 godina,
- c) da je psihofizički i zdravstveno sposoban.

Posebni uslovi:

Visoka stručna sprema- VII stepen, završen tehnički fakultet,
Da nema ostvaren radni staž/ iskustvo u struci nakon sticanja visoke stručne spreme,
Poznavanje rada na računaru i vozačka dozvola B kategorije.

IV

Radni odnos sa najuspješnijim kandidatom zasniva se na period od jedne godine.



V

Kandidati su dužni dostaviti uredno popunjen i potpisan **PRIJAVNI OBRAZAC**, koji mogu preuzeti na web stranici Direkcije (judctk.ba-dokumenti-propisi-ostalo).

Uz prijavni obrazac kandidat je dužan priložiti slijedeću dokumentaciju kao dokaz o ispunjavanju općih i posebnih uslova:

- Uvjerenje o državljanstvu ne starije od tri mjeseca (rok se računa od dana izdavanja uvjerenja od nadležnog organa do dana predaje prijave na javni oglas),
- Diplomu o završenom odgovarajućem stepenu stručne spreme (Kandidat koji je visoko obrazovanje stekao po Bolonjskom sistemu studiranja, uz diplomu dostavlja i dodatak diplomi, a u skladu sa važećim zakonskim propisima. Iznimno, samo u slučaju da visokoškolska ustanova dodatak diplomi nije uopće izdavala ni za jednog diplomca, kandidat je dužan da uz diplomu dostavi uvjerenje visokoškolske ustanove da dodatak diplomi nije uopšte izdat, niti za jednog diplomca. Kandidat–koji je fakultet završio izvan Bosne i Hercegovine, odnosno koji je diplomu stekao u nekoj drugoj državi nakon 06.04.1992. godine, u obavezi je dostaviti ovjerenu kopiju nostrificirane/priznate diplome, u skladu sa važećim zakonskim propisima.)
- Uvjerenje/dokaz visokoškolske institucije o prosjeku ocjena nakon završenog studija za (poziciju 1/1)
- Dokaz da kandidat nema ostvaren radni staž u struci nakon sticanja odgovarajućeg stepena stručne spreme (potvrda /uvjerenje Zavoda za zapošljavanja ne starije od 15 dana ili uvjerenje porezne uprave ili nadležnog PIO/MIO da kandidat nije prijavljen u jedinstvenom sistemu registracije, kontrole i naplate doprinosa ne starije od 15 dana), a kandidati koji imaju ostvareno radno iskustvo ili su još uvijek u radnom odnosu, činjenicu nepostojanja radnog staža u struci sa visokom stručnom spremom, nakon sticanja iste dokazuju uvjerenjem PIO/MIO uz dešifraciju školske spreme i zanimanja ili uvjerenje Poreske uprave o statusu sa pregledom historije osiguranja za osiguranika, ne starije od 15 dana,
- Dokaz o poznavanju rada na računaru (kao dokaz o poznavanju rada na računaru kandidat dostavlja uvjerenje – potvrdu ili certifikat škole ili druge institucije koja se bavi edukacijom rada na računaru),
- Ovjerenu fotokopiju vozačke dozvole.

Uz prijavu na javni oglas, kandidat može pružiti i dokaze za vrednovanje po kriteriju: **"Pripadnost braniocima i članovima njihovih porodica"**. Da bi kandidat bio bodovan, i po tom osnovu, dužan je dostaviti dokaz o ispunjavanju tih uslova, odnosno potvrdu nadležnog organa o priznatom statusu branioca i članova njihovih porodica (popis dokumentacije kojom se dokazuje status branilaca i članova njihovih porodica nalazi se na web stranici Direkcije-[judctk.ba -propisi-ostalo](http://judctk.ba-propisi-ostalo)) i uvjerenje nadležne službe za zapošljavanje (koje nije starije od 15 dana od dana objavljivanja ovog javnog oglasa) kojim se dokazuje da se nalazi na evidenciji kao nezaposlena osoba.

Traženi dokazi iz javnog oglasa moraju biti priloženi u originalu ili ovjerenj fotografiji.



VI

Prijave sa traženim dokazima dostavljaju se u **zatvorenoj koverti** na adresu:

- **JAVNA USTANOVA DIREKCIJA REGIONALNIH CESTA TUZLANSKOG KANTONA na adresu Albina Herljevića broj 43, 75000 Tuzla**, sa naznakom "Prijava na javni oglas za prijem radnika u radni odnos na neodređeno vrijeme - NE OTVARATI"

Rok za podnošenje prijave na javni oglas je 8 (osam) dana od dana posljednjeg objavljivanja. Javni oglas će biti objavljen u dnevnom listu "Oslobođenje", na web stranici Vlade Tuzlanskog kantona, web stranici Direkcije regionalnih cesta TK i dostavljen Službi za zapošljavanje Tuzlanskog kantona.

VII

Neuredne, nepotpune i neblagovremene prijave Komisija će odbaciti zaključkom uz navođenje razloga zašto pristigla prijava nije ispravna i uz mogućnost uvida u dostavljenu dokumentaciju u roku od tri dana od dana prijema zaključka.

Kandidati čije su prijave uredne, potpune i blagovremene imaju pravo učešća u procesu izbora kandidata.

Odabir kandidata za zasnivanje radnog odnosa na period od jedne godine, provodi komisija za izbor koja će razmotriti pristigle prijave, provesti pismeni dio ispita i intervju te utvrditi listu kandidata koja sadrži bodove kandidata ostvarene po osnovu Odluke o utvrđivanju kriterija za prijem pripravnika JU Direkcija regionalnih cesta TK broj 01-05-1-229-3/20 od 29.06.2020. godine, i istu dostaviti direktoru na izbor.

Izabrani kandidat će biti u obavezi da najkasnije u roku od 8 dana od dana konačnosti odluke o izboru, dostavi ljekarsko uvjerenje kao dokaz psihofizičke i zdravstvene sposobnosti za obavljanje poslova za koje zaključuju ugovor o radu i uvjerenje da se protiv kandidata ne vodi krivični postupak (ne starije od 3 mjeseca).

Sa izabranim kandidatom po ovom javnom oglasu zaključit će se ugovor o radu u trajanju od jedne godine.

DIREKTOR
Zijad Omerčić, dipl. pravnik